

INUIT ATAQATIGIIT

Inatsisartuni



UKA 2018/203
09.10.18.
Peter Olsen

Uunga siunnersuut: Ilinniartitaanernut Inuussutissarsiutinullu siunnersuisarneq pillugu Inatsisartut inatsisaannik allannguineq pillugu Inatsisartut inatsisissaattut siunnersuut nr. xx, xx. xxx 2018-imeersoq
(Ilinniartitaanermut, Kultureqarnermut, Ilageeqarnermut Nunanullu Allanut Naalakkersuisoq)

Naalakkersuisut inatsisissatut siunnersuutaannut qulaani pineqartumut qujalluta, Inuit Ataqatigiinniit matumuuna imaattumik oqaaseqaateqassaagut.

Nunatsinni ilinniartitaaneq pingaaruteqarluinnaqqissaarpoq. Inuit Ataqatigiinnut partitut akisussffaaffilitutt kissaatigalugulu qujagisorujussuussavarput siunissami qaninnerpaami inuusuttortatta tamarmik ilinniakkaminnik naammassinnissinnaagaluarpata tamanna qanoq nuannertigalunilu qujanartigissagaluarnerpa!

Ilinniarsimassutitsikkummi, qaammarsaanikkullu annertuumik qaffassaasinnaagaluarutta ilaatigut kingunerissagaluarماغو inuttut isumaginninnikkullu unammilligassarpasuatta ilaannik annertuumik oqilisaassineq; Suliffissaaleqineq annertuumik appariassagaluarpoq, inissaaleqineq annertuumik appariassagaluarpoq, imerajuttunngortarneq, ikiaroorajuttunngortarnerillu appariangaatsissagaluarput, tamatumalu kingunerisaanik innuttaasut peqqissutsimikkut annertuumik kivinneqarsinnaalersinnaagaluarlutik.

Taamattumik Naalakkersuisut Ilinniartitaanermut Inuussutissarsiutinillu siunnersuisarneq pillugu Inatsisartut inatsisaanni nr. 4, 29. november 2013-meersumik nutarteriniarnerat allannguutissatullu siunnersuuteqarniarnerat Inuit Ataqatigiinniit paasilluarparput tamannalu ilassil-luarparput.

Ilinniartuutitta, ilinniartuunermi nalaanni pitsaanerpaanik atugassaqaarnissaat Naalakkersuinikkut suliaqartuusugut kikkugaluaruttaluunniit tamatta sukkuq tamatigut pingaartillugulu anguniartuagassatta ilagilluinnartariaqarpaat.

Uumalu inatsisissap naammassineqarneratigut ilaatigut anguniarneqartooq qanilliallatsinneqassaag.

Inatsisissap uuma nutarterneqarneratigut kommunit aammalu Naalakkersuisut akisussaaffii pisussaaffiilu ersarissarneqarput, tamatumalu kingunerissavaa ilinniartuutitta ilinniarnermi nalaanni pitsaanerusumik siunnersorneqarsinnaalernissaat; soorlu atuagarsornikkut, ineqarniarnikkut, ilinniaqqinnissamut tunngassuteqarsinnaasunut minnerunngitsumillu ulluinnarni

inuunermut tunngalluinnartunut soorlu tarnikkut aammalu isumaginninnikkut siunnersorneqarsinnaanermut ikorfartorneqarsinnaanermullu tunngasutigut.

Taamaattumik annerusumik oqaaseqarfigeqqinnagu, Inuit Ataqatigiiniit taamatut oqaaseqarluta, Naalakkersuisut siunnersuutaat taperserlugu ataatsimiisitaliamut susasaqartumut suliareqqitassanngorlugu inassuteqaatigaarput.

Qujanaq